

## Morning Dogri (NSD) National News Bulletin 21-12-2024

### आकाशवाणी

- प्रधानमंत्री नरेन्द्र मोदी दपक्खी सरबंधें गी मजबूत करने लेई द'ऊं दिनें दी जात्तरा पर अज्ज कुवैत रवाना होआ करदे न।
- गृह मंत्री अमित शाह होर अज्ज अगरतला च पूर्वोत्तर परिषद दी 72मीं पूरी-पराती बैठका च शामिल होडन।
- वित्त मंत्री निर्मला सीतारमण होर अज्ज राजस्थान दे जैसलमेर च जीएसटी कांउसल दी 55मीं बैठक दी प्रधानता करडन।
- विश्व सेहत संगठन—डब्ल्यूएचओ नै आखेआ ऐ जे भारत नै मलेरिया दे मामलें ते ओहदे करी होने आहली मौतें दी दर घट्ट करने च काबिले—जिक्र प्रगति कीती ऐ।
- अमरीकी प्रतिनिधि सभा नै समें सीमा थमां ऐन पैहले गवर्नमेंट शटडाऊन थमां बचाने लेई खर्चे सरबंधी बिल पास करी दित्ता ऐ।

<><><><><><>

### PM

प्रधानमंत्री नरेन्द्र मोदी होर 2 दिन दी यात्रा पर अज्ज कुवैत जांगन। प्रधानमंत्री हुंदी एह यात्रा कुवैत दे अमीर शेख मेशाल अल तबर अल सबाह हुंदे साददे पर होआ'रदी ऐ। इस दरान ओह कुवैत दे नेताएं कन्नै गल्लबात करगंन। मोदी होर इक कार्यक्रम च भारतीय समुदाय दे लोकें कन्नै बी गल्लबात करगंन। ओह इक श्रम शिविर च बी जांगन। ओह कुवैत दे अमीर दे खास मेहमान दे तौर पर 26में अरेबियन खाड़ी कप दे उद्घाटन समारोह च शामिल होंगन। प्रधानमंत्री होरें गी बायन पैलेस च गॉर्ड ऑफ ऑनर दित्ता जाग। एहदे मगरा ओह कुवैत दे अमीर ते क्राउन प्रिंस हुंदे कन्नै प्रतिनिधि मंडलें सतह दी गल्लबात करगंन। पिछले 43एं ब'रें चकुसै भारतीय प्रधानमंत्री दी कुवैत दी एह यात्रा होग। कुवैत इसले खाड़ी सैह्योग परिषद दा अध्यक्ष ऐ ते प्रधानमंत्री हुंदी इस यात्रा कन्नै दौनें मुख्यें दे छड़े दपक्खी सरबंध गै मजबूत नेई होंगन सगुआं खाड़ी क्षेत्र कन्नै भारत दे सरबंध होर बी बधगंन।

<><><><><><>

## Shah NIC

केन्द्रीय गृहमंत्री अमित शाह होर त्रिपुरा दे अगरतला च पूर्वोत्तर परिषद एनआईसी दी 72मीं पूर्ण बैठक दी अध्यक्षता करगन। इस सत्र च पूर्वोत्तर क्षेत्र विकास मंत्री ज्योतिरादित्य सिंधिया ते पूर्वोत्तर क्षेत्र विकास राज्य मंत्री डॉ. सुकांत मजूमदार बी शामिल होंगन। बैठक च सारे पूर्वोत्तर राज्यें दे राज्यपाल ते मुख्यमंत्री बी हिस्सा लेंगन। एनआईसी दी बैठक पूरे पराते अधिवेशन थमां पैहले कल तकनीकी सत्र दे उद्घाटन कन्नै शुरू होई। कल संजा ज्योतिरादित्य सिंहधया होरें मीडिया कन्नै गल्ल करदे होई आखेआ जे एह सत्र इस क्षेत्र दे तेजिया कन्नै विकास दी नीह रक्खोग। सिंधिया होरें आखेआ जे ओने आले दिनें च प्रधानमंत्री नरेन्द्र मोदी हुंदे नजरियै मूजब पूर्वोत्तर क्षेत्र तेज विकास दा गवाह बनोग। उनें एह बी आखेआ जे केन्द्रीय गृहमंत्री पूर्वोत्तर च अर्थबवस्था च परतियै नमें सिरैया जान भरने दे मकसद कन्नै बैंकिंग शिखर सम्मेलन दी अध्यक्षता करगन।

<><><><><><>

## GST

माल समेयान ते सेवाएं सरबन्धी टैक्स जीएसटी परिषद दी 55मीं बैठक अज्ज राजस्थान दे जैसलमेर च होग। जेहदी अध्यक्षता केन्द्री खजाना मंत्री निर्मला सीतारमण होर करगन। इस बैठका च जीएसटी सरबन्धी मुद्दें पर चर्चा होग जेहदे च गोवा, हरियाणा, जम्मू कश्मीर, बिहार, राजस्थान सनें केई राज्यें ते केन्द्र शासित प्रदेशों दे मुख्यमंत्री ते उपमुख्यमंत्री हिस्सा लेंगन।

<><><><><><>

## Pre Budget Meet

केंद्री वित्त ते कॉर्पोरेट मामलें दिएं मंत्री निर्मला सीतारामन होरें कल सं'ज्ञां राजस्थान दे जैसलमेर च राज्यें ते केंद्र शासित प्रदेशों दे वित्त मंत्रियों कन्नै बजट शा पैहले आहली बैठक दी अध्यक्षता कीती। बैठक च माली ब'रे 2025–26 दे केंद्री बजट लेई वित्त मंत्री होरें'गी केई सुझाऽ दित्ते गे। इस मौके उप्पर श्रीमती सीतारामन होरें आखेआ जे खरे आर्थिक म्हाल, टैक्स संग्रह च जोश ते दक्षता दे कारण, 15में माली आयोग दे तैहत् अप्रैल 2021 थमां दिसंबर 2024 तगर राज्यें गी जेहड़ी रकम दित्ती गेई ऐ, ओह पिच्छले माली आयोग दे तैहत् ब'रे 2015 थमां 2020 तगर राज्यें गी दित्ती गेदी रकम कोला मती ऐ।

उनें पूंजी निवेश लेई राज्यें दी विशेष सहायता योजना दा बी जिक्र कीता जिसी पैहली बारी केंद्री बजट 2020–21 च घोषित कीता गेआ हा। उनें आखेआ जे इस योजना कन्नै राज्यें थमां बड़ी शैल प्रतिक्रिया मिली ऐ। वित्त मंत्री होरें आखेआ जे केंद्र नै पूंजी निवेश लेई राज्यें गी विशेष सहायता योजना 2024–25 दे तैहत् मुकामी स्तर दिएं योजनाएं गी पूरा करने लेई ‘अनटाइड फंड’ दे रूपै च तकरीबन 30 ज्हार करोड़ रुपें दी बाददू रकम बागुजार कीती गेई ऐ। बैठक च केंद्री वित्त राज्य मंत्री पंकज चौधरी हुंदे कन्नै गोवा, हरियाणा, जम्मू–कश्मीर, मेघालय ते ओडिशा दे मुख्मन्त्री ते अरुणाचल प्रदेश, बिहार, मध्य प्रदेश, राजस्थान ते तेलंगाना दे उप–मुख्मन्त्री ते केई राज्यें ते केंद्र शासित प्रदेशों दे वित्त मंत्री बी शामिल होए। बैठक दे दरान आर्थिक मामलें ते खर्चे सरबन्धी मैह्कमें दे सचिव ते वित्त मंत्रालय दे वरिष्ठ अधिकारी बी शामिल हे।

<><><><><><>

## Govt. ADB

केन्द्र सरकार ते एशियाई विकास बैंक एडीबी नै 35 करोड़ डॉलर दे नीतिगत दोहार समझौते पर दस्तखत कीते न। एह दोहार मल्टी मॉडल ते इंटीग्रेटेड लॉजिस्टिक इकोरिस्टिम गी मजबूत करने दे कार्यक्रम दा हिस्सा ऐ। इस कार्यक्रम राएं सरकार मुल्खै च साज–समेयान आले क्षेत्र च बड्डे पैमाने पर सुधार करा’रदी ऐ। एह्दे च 2 होर कार्यक्रम शामिल न। जिंदा मकसद आपूर्ति श्रृंखला तैआर करने आले क्षेत्र च तेजी आन्ननी ऐ। इस समझौते पर आर्थिक मामले सरबन्धी विभाग, उद्योग ते आंतरिक बपार, सर्वधन विभाग ते एशियाई विकास बैंक नै दस्तखत कीते न।

<><><><><><>

## WHO India Malaria

विश्व सेहत संगठन–डब्ल्यूएचओ नै आखेआ ऐ जे भारत नै मलेरिया दे मामलें ते ओह्दे कन्नै जुड़ी दी मृत्यु दर घट्ट करने च काबिले–जिक्र प्रगति कीती ऐ। सेहत संगठन दी ब’रे 2024 दी विश्व मलेरिया रिपोर्ट च इस गल्लै दा जिक्र कीता गेआ ऐ। ब्रिटेन दे संसद परिसर च इस हफ्ते लग्गी दी इक बैठका च सब्बनें सरबन्धत धड़ें रिपोर्ट दे नतीजें पर विचार बटांदरा कीता।

बैठक च भारत दे सामुदायिक सेहत कार्यकर्ता, खासकरियै महिलाएं दी सराहना कीती गई, जेहड़ियां दूर-दूरेडे इलाकें च मलेरिया गी असरदार ढंगैरै घट्ट करने लेई कम्म करै करदियां न। रिपोर्ट मूजब देश भरै च बरै 2017 च मलेरिया दे अंदाजन मामलें दी गिनतरी 64 लख शा घटियै बरै 2023 च 20 लख होई गई ऐ। देशै च मलेरिया करी होने आहली मौतें दी अंदाजन गिनतरी लगभग 11 हजार ही जेहड़ी घटियै 35 सौ रेही गई ऐ। मृत्यु दर च 68 प्रतिशत दी कमी दर्ज कीती गई ऐ।

<><><><><><>

## US Shut Down

अमरीकी प्रतिनिधि सभा नै समें सीमा थमां ऐन पैहले गवर्नमेंट शटडाऊन थमां बचाने लेई अज्ज खर्चें सरबंधी बिल पास करी दित्ता ऐ। डेमोक्रेटिक पार्टी नै बी इस मुद्दे पर अगले बरै मार्च महीने दे मझाटै तोहड़ी फेडरल सरकार दे माली कम्मों गी जारी रखने लेई रिपब्लिकन सांसदें दा समर्थन कीता। इस विधेयक दे पक्ख च 366 ते बरोध च 34 वोट पाए गे। एह विधेयक राष्ट्रपति जो बाइडेन हुंदे दस्तख्त थमां पैहले मतदान लेई अज्ज सीनेट च जाह्ग, जित्थे डेमोक्रेटिक पार्टी दा बहुमत ऐ। जेगर एह विधेयक पास नेई होंदा, तां सरकार गी अद्धी रातीं थमां पैसा मिलना बन्द होई जाह्ग ते गैर जरूरी कम्म ठप्प होई जाड। इस करी 8 लख 75 हजार कर्मचारियें ते करीब 14 लख कोला मते लोकें गी बिजन तन्खाही दे कम्म करना पौग।

<><><><><><>

## President

राष्ट्रपति द्रौपदी मुर्मू होरें कल संजा सिकंदराबाद च राष्ट्रपति निलयम च ऐट होम दा आयोजन कीता। हैदराबाद च राष्ट्रपति हुंदे इस शीतकालीन प्रवास कार्यक्रम च तेलंगाना सनें होरने राज्यें दियां राजनीतिक ते न्यायिक क्षेत्र दियां प्रमुख हस्तियां शामिल होइयां। तेलंगाना दे राज्यपाल जिष्णू देव वर्मा, हरियाणा दे राज्यपाल बंडारू दत्तात्रेय ते तेलंगाना दे मुख्यमंत्री ए.रेवत रेड्डी इस कार्यक्रम च मजूद हे। एहदे अलावा तेलंगाना विधान परिषद दे अध्यक्ष गुदटा सुकेंदर रेड्डी ते तेलंगाना हाई कोर्ट दे मुख्य न्यायधीश न्यायमूर्ति आलोक अराधे बी कार्यक्रम च शामिल होए।

इस मौके पर तेलंगाना के कई सारे मंत्री चुने गये प्रतिनिधि के वरिष्ठ अधिकारी मजबूत हैं।  
राष्ट्रपति हुंदा प्रवास का अजब खीरी दिन है।

<><><><><><>

## MDL

मझगांव डॉक शिपबिल्डर्स लिमिटेड-एमडीएल नई द'ऊं महत्वपूर्ण युद्धपोत - नीलगिरि के सूरत  
भारती नौसेना की सौंप दित्ते न। नीलगिरि पी17ए श्रेणी का पैहला स्टेल्थ फ्रिगेट पोत के  
सूरत पी15बी श्रेणी का गाइडेड मिसाइल विध्वंसक का चौथा स्टेल्थ विध्वंसक है। इंदी  
डिजाइन युद्धपोत डिजाइन ब्यूरो नई तैयार कीता है। इन युद्धपोतों का हून समुंदरी परीक्षण  
कीता जाहग। भलेआं अज्जै-कल्लै दी तकनीक कन्नै लैस नीलगिरि, प्रोजेक्ट 17ए का पैहली  
श्रेणी का पोत है के एह दुनिया च इस श्रेणी के बेहतरीन पोतों के बरोबर है। सूरत प्रोजेक्ट  
15बी श्रेणी का चौथा पोत है जेहड़ी समुंदरी जंग के पूरे इलाके च बक्ख-बक्ख चाल्ली के  
कम्मों के मिशन की अंजाम देने च सक्षम है। इस पोत च 72 प्रतिशत स्वदेशी समग्री है जेहड़ी  
आत्मनिर्भर भारत दी दिशा च इक महत्वपूर्ण गैह है।

<><><><><><>

## IMD Coldwave

मौसम विभाग नई अगले 5एं दिनों दरान जम्मू-कश्मीर के हिमाचल प्रदेश च कड़ाके की ठंड  
पौने के जबरदस्त सीत लैहर दी भविष्यवाणी कीती है। पंजाब के राजस्थान च बी औंके  
सोमवार तगर इयै नेही स्थिति बनी दी रौहग। हिमाचल प्रदेश, पूर्वी राजस्थान के झारखंड के  
बक्ख-बक्ख इलाकें च रातींके बड्डलै घना कोहरा छाए के रौहने के असार न।  
दिल्ली-राष्ट्रीय राजधानी खेत्तर च अगले द'ऊं दिनों तगर बड्डलै के रातीं के बेल्ले धुंध के  
हल्का कोहरा छाए के रौहने की संभावना है।

<><><><><><>